



國家清史編纂委員會・文獻叢刊

六編

清代稿鈔本

第二九三冊

國家清史編纂委員會・文獻叢刊

六編

清代稿鈔本

第二九三冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM 南方出版傳媒
廣東人民出版社

・廣州・

第二九三冊目錄

京報摘鈔

.....

京報摘鈔

不分卷

光緒十六年正月至光緒十八年二月

佚名輯

鈔本

光緒六年正月初八日京報

奏查明部選知縣赴部逾限係屬因公摺

太子太保兩江總督一等威毅伯臣曾國荃跪 奏為查明部選知

縣赴部逾限係屬因公並非無故恭摺仰祈 聖鑒事竊准部文內

稱兩淮豐利場大使高元錫遵海防例報捐知縣在任候選於光緒

十四年五月輪選到班簽掣貴州清平縣知縣題明行知交代清楚

給咨送部引 見光緒十四年六月十八日奉 旨依議欽此是月

二十三日行文江蘇省照限五十日減半計算係二十五日應扣至

七月十七日接到部文之日起交代限期六個月再限領咨三個月

到京程限五十日扣至十五年六月初七日各限皆滿自限滿之日

起扣至九月初七日逾限在三月以外例應開缺正在辦理具奏間

該員於九月十八日領咨到部並具呈 連運司札文聲明交代給

咨遲延緣由與例載無故遲延者不同於未奏請開缺時投到似尚非有心規避惟查該員於光緒十四年七月十七日接到部文之日起應扣至十五年正月十七日六個月交代限滿何以並不上緊清算迨至三月內尚奉運司札委會算交代又遲至六月十七日始造冊轉送到司來咨亦未將因何遲延之處詳細聲明碍難核扣奏明請 旨飭令查明該員交代請咨各日期因何遲延之處詳細覆奏等因當經轉飭運司查覆茲據覆移前任豐利場大使高元錫選補部文於光緒十四年九月十五日到司遵經派委張學醴署理據高元錫申報於十一月二十五日交卸嗣因監盤垣鹽委員因病請假改委又據新選豐利場大使陳家惠稟報到任據張學醴稟照代理成案將交代歸現任會算於十五年三月間飭催趕緊結報經陳家

惠依限造冊申報分司因造冊舛錯往返駁查始於六月十七日將冊送司二十五日據高元錫稟請給咨履歷又有不符發回更正補造始得詳請咨文轉發領齊疊以文報往來動經旬_月以致高元錫到部逾限實出因公並非該員無故遲延詳請奏覆前來臣復核無異所有查明部選知縣逾限係屬因公緣由理合恭摺覆陳伏乞皇上聖鑒飭部核辦施行謹 奏奉 硃批吏部知道欽此

再三位溫受道范榮池用光緒十五年分

方計恭舉吳上年由日給咨赴部引

見並委教補道李光久前任長理當經奏奉

諭旨欽此在案該道于十月間領咨赴部現任收及一年未據回省上事據咨引

見部查溫受道有並受臨海關稅務之責員缺緊要未便任延才應請

旨仍下吏部查覈 如果尚未到京行文該道原籍山東省飭查是否溫受

在籍有無可收迅速咨部一面嚴飭查謹附生陳儀伏乞

聖鑒訓示謹 奏

光緒十六年正月十八日京報

廣西
巡撫 馬丕瑤

再前撫臣沈秉成因廣西倡辦商務在在需員以貴州補用知縣呂
緝光謹慎穩練請調來粵差委接准吏部咨開光緒十四年九月初
十日恭奉 硃批着照所請該部知道欽此欽遵在案茲呂緝光於
光緒十五年九月二十九日遵調到粵臣查該員清剛縝密學裕才
明籍隸湖南服官黔省湖黔皆接粵壤熟悉情形辦事可期得力合
無仰懇 天恩俯准將貴州補用知縣呂緝光留於廣西補用仍飭
令照章補繳離省分發銀兩如蒙 俞允俟奉到 批旨即行司註
冊遇有要缺俾得照例補署以裨地方謹附片具奏伏乞 聖鑒訓
示謹奏奉 硃批着照所請吏部知道欽此

光緒六年正月二十日京報

貴州巡撫臣潘蔚跪 奏為揀員更補知縣選缺以符定制恭摺仰
祈 聖鑒事竊查婺川縣知縣區汝謙病故遺缺前請以留省另補
知縣聶定中請補今於光緒十五年八月十二日准部咨覆查聶定
中前因資斧不繼請假回籍措資經本部咨覆俟回省後出有選缺
五缺之後再行補用該員回省後出有玉屏縣甕安縣安化縣都勻
縣四缺尚未出過五缺與請補定例不符該撫請以該員補婺川縣
之處應毋庸議其婺川縣知縣選缺應另行揀員更補坐七月初九
日等因自應遵照辦理查貴州省至京按照限減半五十日計算應
扣至八月二十八日起限更補臣督同藩司史念祖署臬司黃元善
查定例知縣病故休致出缺應歸月選者准其將一缺題補各項候

補並卽用之員以一缺題補本班前先大挑舉人以一缺題補本班
大挑舉人等語前出都勻縣缺將進士卽用知縣承先請補在案今
此缺現在鄭工遇缺先海防先海防新班先新班卽舊例遇缺先遇
缺均無人應輪用大挑到班本班前先大挑及新舊例分缺先前分
缺間前分缺先分缺間亦無人應用大挑之員請補查大挑班內僅
有趙有秋賈翹梧二員趙有秋中式同治庚午科第三十五名舉人
名次在先例得請補惟查該員於光緒七年委赴廣東採辦貢物至
今尚未回黔銷差未便請補查有大挑試用知縣賈翹梧現年五十
四歲山東樂安縣優廩生中式同治庚午科並補行丁卯科第一百
二十九名舉人庚辰科會試大挑一等奉 旨以知縣用簽掣貴州
因科分較近截留回籍聽候咨取光緒十年二月初六日奉文咨取

來黔試用十一年三月初八日領咨起程六月初十日到黔業經期滿甄別留省補用在案該員居心篤實辦事認真以之請署婺川縣知縣人地實在相宜與例亦符合無仰懇 天恩俯准將該員賈翹梧試署婺川縣知縣洵於地方有裨該員係試用知縣請署知縣銜缺相當毋庸送部引 見請俟試署期滿如果稱職另請實授除履歷清冊咨部查照外謹會同兼署雲貴督臣譚鈞培合詞恭摺具陳伏乞 皇上聖鑒訓示再此缺應以八月二十八日作為接到部文之日起限更補貴州係屬遠省定限九十日會銜三十日扣至十二月二十七日限滿今於限內更補並未逾違合併陳明謹 奏奉 硃批吏部議奏欽此

光緒十六年正月二十五日京報

頭品頂戴閩浙總督臣卞寶第跪 奏為揀員調補海疆要缺知縣
恭摺仰祈 聖鑒事竊查光緒十五年七月初一日准吏部咨四月
初八日奉 上諭福清縣知縣鄧嘉繩謹慎有餘措理未能裕如著
開缺以中簡知縣另補欽此照例以奉 旨後第五日行文按閩省
照限減半計算扣至五月二十三日作為開缺日期勒歸五月分截
缺所遺福清縣知縣係冲繁疲難海疆兼四要缺例應在外揀選陞
調該縣地處海濱民情蠻野撫馭巡防均關緊要必須精明幹練之
員方克勝任臣與藩臬兩司於現任知縣內逐加遴選查有浦城縣
知縣熊汝梅年五十四歲湖北黃州府黃安縣附生中式咸豐己未
恩科舉人同治戊辰科會試中式進士改翰林院庶吉士散館以

知縣用選授四川江油縣調署奉節梁山等縣 大計保薦卓異調補梁山縣丁母憂服闋赴部投供選授今職光緒十四年十一月二十四日到任該員精明強幹辦事認真現任浦城縣知縣頗能整頓地方福清縣民刁俗悍治理非易以之調補斯缺洵堪勝任該員曾任四川江油縣調補梁山縣歷俸早滿三年銜缺相當毋庸送部引見並免核計叅罰所遺浦城縣知縣係選缺閩省現有應補人員接准部覆另行請補據福建藩司張夢元臬司奎俊會詳前來除咨部外謹恭摺具陳伏乞 皇上聖鑒 勅部議覆施行謹 奏奉 硃批吏部議奏欽此 欽

達夫先生青鑑昨承

惠顧為幸弟、杜海翁函書請即寄紹趙筱泉司馬
計算歷俸應自到部在新後起前在山西日期不能接算
朱像翁所說如此祈即

轉致前日言及日子者開作昨晨未取頃函乞之未特呈

冰鑒其交中此最關切不和令科能獲售否甫詢

台安涉佳

朗此 錄書 標首謹上 初日

光緒十六年正月二十三日京報

貴州
巡撫 潘 蔚

再據辦理善後總局事務藩司史念祖署臬司黃元善署糧儲道儲裕立詳稱案查光緒二年派令候補知府席時熙在修文縣屬中路地方辦理巡防事務除發給應領經費外借用牛租市斗穀三千五百一十石六斗每石折銀四錢五分共應繳銀一千五百七十九兩七錢七分屢催未繳迨至四年該員丁憂據稟因公賠累由局酌補經費以示體恤所有租穀一項批飭如因奔喪情急驟難設法准俟服闋回黔再行繳還在卷迄今事隔多年未據完繳並聞該員在廣東潮州府辦理修路事宜即於上年正月飭令將欠繳租穀銀兩勒限八月繳清如再置若罔聞即行叅追嚴札飭催在案現在限期已逾抗不呈繳亦無一詞稟覆實屬玩視公項未便稍事姑容理合詳